


湖
南
通
志
(一)



景印『中國省誌彙編』緣起

志書創例，起源於專門類項之記載。班固漢書立紀表志傳四體，以書總全史之名，紀則敘大事始末，表則明爵里世系，傳則詳人物情事，志則記專類細別。後之史家，多承其風，二千年來，相沿為正史體例。惟志在概括專門文獻，撰述綦難，若天文、律曆、輿地、河渠、禮樂、刑法、職官、選舉、食貨、藝文等志，各具專門特性，設非博學淵識，實難蒐羅完備，裁制精當，敘議亦難期清晰。故若干正史，或竟畧而不書。

以志為專書總稱，倡自陳壽三國志與常璩華陽國志，實則均應為分國之志。後世契丹國志，大金國志，俱仿此而作分國之專史。既為分國之志，實亦含有地區之意。一國之專史，即一方之專史，以國為類性，即以方域而區分。就性質而言，華陽國志與魏志、吳志、蜀志、實為產生方志之本源。然則狹義之方域志，自應以唐代李吉甫元和郡縣志為先驅。唐宋以降，地方專史，代出不絕，亦日漸細密。

自鄭樵通志問世，志則一變為包羅古今全史之書，凡歷代紀事方畧典章，無不備集，通志者即無異通史也。至是志書之義，遂涵賅三種類性，一則專門別類之史，如粵海關志，湘軍志等是。一則分國地域之史，如吳郡志，海國圖志等是。一則總括通叙之史，如八旗通志，貿易通志等是。而志書體裁，亦繁衍至廣，門類日繁。

通志而為一省專史，乃明代以後之事，而以清代最發達。唐宋以迄民國，地方史志，無慮數千

種，實以各省通志最具規模，體例完密，卷帙浩繁。不似其餘府州縣志之長短不齊，簡繁不一者。蓋省志修纂，多徵專門名家，而人才萃集省會，並能共襄厥成。清代督撫地方首長，多以維繫文風競尚，每重視修志，引為職責。藉其地位聲望，均有助於釀巨資而便採訪。一書之成，恆數年十數年始行付梓，故載筆審慎，篇章宏富，足備徵考。

近年國內重印舊籍，極為普遍，經史子集，叢書類書，殆無不涉及。巨製迭出，蔚然風靡。有功於出版事業至大。惟地方史志，所缺尚多，而需求日廣，復以方志數量之鉅，與品類之雜，如不加選擇，難期周妥。茲敝局同仁，擬就重點方式，循序而行，先經慎選其極重要之全國省志，都三十七種，合輯為「中國省志編彙」，以呈獻於學術界，共策廣布流傳。估計總量，實在大清歷朝實錄一倍以上，不僅可推為地方史志之淵藪，且亦足彌各界學人之雅望。謹書緣起，以申趣嚮。

本局編輯部 謹識

中華民國五十六年（一九六七）八月

湖南通志序

同治中海內軍事大定各直省大吏思方志之放失飭府廳州縣各輯其志上之設局會垣裒續前籍先事以聞既以補前志之缺略且以著咸同來東南數省戡定事實師武臣力蔚啟中興昭示來許甚盛事也湖南初併湖北爲湖廣行省雍正七年

天下重修通志仍合兩湖爲一書嗣後專志肇於乾隆重

修迄於嘉慶蓋逮茲又六十餘年矣續修竣事今中

湖南通志序

承卞公頌臣郵書徵言祿竊以爲此六十餘年中號爲多事者莫湘與皖若也方粵事起湖南最當寇衝湘軍首建賢哲並興秉旄建牙纛者至指不勝屈是時湘軍常雄天下又數年賊益南擾皖吳而鳳潁間寇蠭起淮軍肇興人才彬彬復盛東西角逐用平亂略於是天下言武功者淮與湘埒今其豐功偉烈載在志乘彪炳實區皖志之成忝與其事既獲讀而序之矣今茲湘志復得附名其間於以考覽山川景

企人豪蓋誠有厚幸焉若夫湘之賢士大夫砥礪名行敦厚風俗用以踵鄉先哲之遺烈棟家幹國無負頌臣中丞編纂之盛心則祿區區之意所重有望於湘人士也夫

光緒十一年六月頭品頂戴署理湖廣總督裕祿謹

譔

湖南通志

二

湖南通志序

湖南界荆梁之交東連豫章西通黔蜀南翼嶺粵北
被荆襄湘水貫其中洞庭阻其外衡嶽作鎮雄峙朱
方重江復關是資防禦蓋亦天地之險區也自秦漢
析郡縣後上下幾二千年隸屬不常號稱難治元明
以前制專潭岳後乃扼守偏沅西南邊境則溪蠻
獠負固其閒略事羈縻有同荒徼爰逮

聖朝改土歸流屢煩兵力然後揚震疊之靈洽懷柔之化

湖南通志序

三

沐浴膏澤聲教浸通彬彬乎稱極治焉舊志統言湖
廣合南北兩省爲一湖南分省自康熙三年始其有
專志自乾隆二十一年始桂林陳文恭公實主其成
於時承

列聖休明之後疆域既分建置大定民安其業吏脩其職凡
兵農禮樂諸鉅政罔弗綱舉目張規畫井井兼綜共
貫勒爲一書俾官斯土者周知其戶口阨塞之數及
夫因革損益之宜相與課農政修邊防興人材阜物

產訖今百數十年以來循良踵武吏治蒸蒸或有水
旱兵革之災恆得以有備而無患觀嘉慶末重修此
志其紀載可蹟而探也

今上御極之八年寶第恭膺

簡命來撫是邦適與續修之役自維才德不逮文恭而實
事求是之心不敢不勉爰集其鄉之賢士大夫周咨
博訪毋濫毋遺雖體例一遵其舊而於民物政教之
大者則不厭求詳焉事未及竣旋奉

湖南通志序

四

命調權鄂督時則島夷不恭籌防孔棘艱難盡瘁義不敢
辭惟念一方專制經畫未周矧攝兼圻彌用難竦彼
都人士得毋以爲治不卒而病使者之闕疏乎茲幸
海氛肅清

恩准回任遷復僅閱兩歲而是書適以告成若有與不佞

相終始者何遇之異也竊嘗綜斯志而論之其地則
演迤延屬周袤可三千餘里城邑屯戍以百計綺交
碁布錯若犬牙而以長沙一郡爲撫治衛內則資乎

衡寶岳常捍外則恃乎辰沅永靖居中控馭遠駕不勞斯亦形勢之全勝也重以水深土厚百殖蕃昌農晦所穫轉漕至九萬而盈他如董鐵連錫丹漆竹木之屬以時攻取販運逾湖達江轉輸半天下財賦所出用以上紓

國計下阜民生食其利者又皆富不忘儉貴不忘勤斯固民俗之純亦其山川阻深不爲遠人所伺故無他族偏處之虞視夫江漢之間華夷趾錯姦宄易潛百

湖南通志

五

貨外流習爲侈靡乃至財力相倍用猶不足其治化之難易矣可以道里計哉矧自軍興以來士民奮於忠義鋤耨棘矜所向披靡耕毗徒隸蔚爲干城前後歷三十餘年而降將叛卒不出於其閒湘軍之名天下稱最其起布衣而登卿相者類皆智深勇沈不避險阻一旅之師轉戰萬里卒爲

國家殄平巨寇綏靖邊陲中興之功幾與方召爭烈若湘鄉之宏猷偉抱益陽之善任知人其尤著乎嗚呼

盛矣余謬以輅材重蒞茲土愧德不稱位貽諸公羞竊幸是書之成有足以箴予之失而裨補其闕漏者前事之不忘後事之師也抑予更有進焉昔亭林顧氏著天下郡國利病書自云不爲一時期於有用今其書具在坐論則易起行則難蓋不患無治法而患無治人也又予與賢百執事所當共勉者矣

講授光祿大夫頭品頂戴兵部侍郎兼都察院右副都御史巡撫湖南等處地方提督軍務眞州卞寶第序

湖南通志

六

湖南通志序

自封建之制廢而列郡興軍府之權弛而行省立

朝廷簡重臣夙望畀以臺圻兩節馳驅鞠躬於申畫密疏

靖獻吁咈於

辰謨贊

國計之弛張軫民生之休戚而又以整軍經武之餘爲徵

獻考文之畢分門奏藝馳古騁今俾上下數千年之

舊聞悉求其典要縱橫數千里之陳迹咸得其指歸

湖南通志序

七

此通志所由昉也而湖南通志自嘉慶庚辰重修以

來流傳六十餘載閱時既久更變愈多其大者既關

於形勝其散者不易於按羅事蹟日增端資作述體

例具備尤貴變通今茲新志於光緒乙酉四月

適觀其成邦人請爲之敘際雲何敢以不文辭夫湖

南域介荆揚疆分軫翼衡嶽嶷山之磅礴挺秀於坤

維洞庭資水之淵渟炳靈於坎險瀟湘源遠隨九曲

而帆揚沅澧流長匯雙流而帶繞五溪東注二西西

蟠昔綰轂於偏沅徒囿一隅之隘今藩維於區夏遂
臨七澤之宏爰乃沐浴

皇仁涵濡

帝澤以言夫學校則嶽麓諏史石鼓談經擁皋比而教先

鼓篋以言夫農田則青草垞塘赤沙隄堰事鳩集而

養給春鋤況乎苗徼弓衣繡字仰車書之化猛戇笙

管吹蘆諧幽籥之音漸被既深懷柔斯廣書方書策

以表以圖何莫非守土者澄敘之資作育之助耶且

湖南通志序

八

夫事不逢艱鉅無以見鍾毓之獨殊也時不遇阨危

無以徵英材之傑出也我

國家右文治茂耀德勳隆迺者桂管軍興檣槍焰熾時

則持旄侍從臨闡外而專征運甓偏裨自田間而奮

迹於以振赫斯之怒於以殲蠹爾之渠將才則范正

韓忠雲從於

北闕相業則房謀杜斷星聚於南交倡忠義之師林旂常

之績同仇敵愾湘省居先礪山帶河助名最盛腹心

干城之建樹躬桓蒲穀之酬庸後映而前輝地靈而人傑鬱鬱焉蒸蒸焉載籍雖繁未之或見也

際雲生

聖世仰荷

殊恩科第策名戎行洊歷忝陳藩於斯土權宣撫者經年雖征繕倥偬究心戎略邊防悉索謬掌軍儲未能摘藻鋪張續元和之一志咀華採掇撫夾漈之三通然按籍而稽冀夕側朝嬰之選入境而問蓄懷原弔誼

湖南通志

序

九

簡命新承量移滇洱矣所願讀斯志者誦左徒騷怨則忠

用藏而

際雲已

愛之思深攬太傅治安則憂勤之念結由是而訪岫嘯神異則慕神禹之功演太極精微則志濂溪之學興起而勃發仰止而景行豈惟是元顏專美於三唐中興揚其烈朱張馳聲於兩宋道學衍其傳云爾哉

光緒十一年歲在乙酉四月署湖南巡撫布政使龐際雲撰

湖南通志

序

十

重修湖南通志職名同治七年開局採訪十三年編輯
光緒五年開雕十一年刊竟印行

督修

兵部尚書都察院右都御史湖廣總督臣李瀚章

前任湖南巡撫臣劉崐

前任湖南巡撫臣王文韶

前署湖南巡撫臣崇福

前任湖南巡撫臣李明墀

前任湖南巡撫臣涂宗瀛

頭品頂戴署湖廣總督臣裕祿

頭品頂戴湖南巡撫署湖廣總督臣卞寶第

湖南通志職名

頭品頂戴署湖南巡撫臣龐際雲

監修提調

署湖南布政使司布政使臣孫翹澤

署湖南按察使司按察使臣夏獻雲

原任湖南督糧道臣陸增祥

湖南鹽法長寶道臣郭從矩

署湖南督糧道臣但湘良

原任湖南辰永沅靖兵備道臣楊瀚

升任福建按察使前湖南辰永沅靖兵備道臣裴蔭森

前任湖南辰永沅靖兵備道臣陳寶箴

湖南辰永沅靖兵備道臣何樞

署湖南衡永彬桂兵備道臣吳錦章

升任安徽鳳穎道湖南長沙府知府臣高萬鵬

督刊委員

湖南候補直隸州州同臣許文壇

總纂

太子少保現任兩江總督世襲一等威毅伯臣曾國荃

兵部侍郎在籍臣郭嵩燾

二品頂戴貴州按察使色爾固楞巴圖魯臣李元度

纂修

湖南通志職名

太常寺卿銜內閣中書臣羅汝懷

五品銜候選知縣臣吳敏樹

三品頂戴四品卿銜內閣中書臣郭崑燾

湖北候補道臣李壽蓉

前浙江候補道臣鄧輔綸

刑部郎中臣何慶涵

布政使銜湖北候補道臣楊恩壽

分纂

候選通判前龍山縣典史朱克敬舉人羅臣鵠長沙人

舉人涂景濤長沙人湖北鍾祥縣知縣舉人黃世崇湘陰人

湖南通志

職名

校訂

舉人周炳枝湘陰人 舉人吳夢松巴陵人 乾州廳訓導舉人何維棟道州人 拔貢余澤春武陵人 拔貢李慶曾新化人 貢生丁取忠長沙人 貢生周紹芳長沙人 貢生黃共安長沙人 貢生李積善化善人 貢生譚世襄善化人 貢生賀肇衡善化人 貢生姚學漢善化人 中書科中書貢生姚紹崇益陽人 廣西候補知州貢生丁驊清泉人 孝廉方正貢生張升萃常甯人 貢生劉沛龍山人 生員袁繼翰長沙人 生員楊家貞善化人 生員吳光堯湘陰人 生員舒佐堯瀏陽人 生員王啟原湘潭人 生員袁樹勛新化人 生員余政瀚平江人 生員李積洪平江人 監生湯亦中長沙人

王

舉人熊棟良善化人 生員闕其康長沙人 生員鄭業敦長沙人 生員陳耀長沙人 生員李祥瀛湘陰人 生員吳奎煥湘陰人 生員鍾仰旭湘陰人 生員蕭錫祚湘陰人 甘肅候補知州郭昌猷湘陰人 生員李輔泰湘陰人 生員吳宗實湘陰人 生員會暄湘潭人 生員羅拂士衡山人 生員羅慎均衡山人 生員周鴻模衡山人 生員鄒漢池新化人 生員鄒斌奎新化人 生員鄒代鈞新化人 候選縣丞生員黃宗憲新化人 生員汪峻巴陵人 生員胡廷埴武陵人 生員李積湘平江人 世職李積樾平江人 世李積棻平江人 監生何宗軾長沙人 監生熊繹善化善人 監生彭樹仁甯鄉人 監生趙珪甯鄉人 監生朱宗洛湘鄉人 監生王傳鈞巴陵人 監生胡興

湖南通志

職名

生員晏起鎮

監生鄒世詒均新化人

繪圖

前龍山縣典史朱克敬

監生萬方享均浙江人 生員王先煌監生廖維純均江蘇人 生員汪炳殷時敏均安徽人

採訪書籍

義保

政翰李積洪

李積湘平江人 世職李積樾平江人 李積棻平江人 監生彭樹仁甯鄉人 珪甯鄉人 朱宗洛湘鄉人 王傳鈞巴陵人 胡興

猷湘陰人 舒佐堯瀏陽人 王啟原湘潭人 周鴻模羅拂士人 羅慎均衡山人 鄒漢池鄒斌奎人 袁樹勛鄒代鈞人 汪峻巴陵人 余

四

湖南通志敘例

楚南地志見前史者若庾仲雍湘州記郭仲彥湘州副圖
記陶岳零陵總記韋宙零陵錄范致明巴陵古今記皆湮
佚不傳他若湖南土風湘中武陵諸記長沙耆舊岳陽名
賢零陵武陵桂陽諸傳全書雖不傳猶幸稱引於後漢書
三國志文選水經世說諸注中並散見太平御覽廣記寰
宇記諸書中斷句零章均足寶也唐廣德中置湖南觀察
使湖南之名自此始明魏震作湖廣通志時兩湖爲一省
國初仍之康熙三年始置湖南布政司既又移偏沅巡撫治
長沙乾隆二十一年湖南始輯專志嘉慶二十五年重修
湖南通志敘目

迄今又六十餘年矣仰蒙

聖澤覃敷重熙累洽衡嶽洞庭之秀靈傑益彰人才輩出車輿
以來戰功懋著披風攬俗如常璩所謂世及事邇可得而
言者蓋不少也茲循康熙中

欽

頒河南通志成式酌加損益以續前聞恭錄

詔諭於卷首其中總目十有五曰地理曰建置曰賦役曰食貨
曰學校曰典禮曰武備曰封建曰名宦曰職官曰選舉曰
人物曰方外曰祥異曰藝文卷末則爲雜志每一志中又
各分子目以綱統目以簡御繁凡爲圖九十爲表二爲卷
三百一十有六別爲敘次如左

史以記事兼以記言惟志亦然我

朝二百餘年以來

列聖重熙典謨不煥恭錄簡首弁冠斯編凡八卷

初一日地理志古之地志載方域山川風俗物產而已元
和郡縣志頗涉古蹟太平寰宇記兼及人物藝文體例稍
變焉然志乘紀載當以地理爲本今志地理爲子目十有
一其一爲輿圖用畫方計里之法繪通省總圖一府廳州
縣圖各一凡爲圖九十次則沿革歷代州郡建置分合先
爲表以明之復考諸史傳以證之察風土之要害也次曰
分野曰晷度凡有分土皆有分星然經星盡乎天度而中
湖南通志敘目

國不盡地球古人以九州仰配列宿於理未可曉茲以流
傳既久姑仍舊說而增晷度一門以測日景之永短與北
極出地之高下也次曰疆域古九州荆揚之地自戰國末
皆入於楚江之上下粵之東西皆屬焉漢以長沙爲國分
置四郡而桂陽所領及於廣東零陵所領及於廣西幅員
甚遠元時置湖廣行中書省則合兩湖而兼轄廣西之境
今以湖南布政使所轄爲斷而洞庭衡嶽皆在域中固天
下名區也次曰水道曰山川郡縣有時而更山川終古不
易故禹貢以山川定畧界而鄭樵通志謂地理當以水爲
主桑經鄒注以水爲經卽以水所歷之山谷城邑爲緯水

之源流明則山之脈絡益明故於山川之前增葺水道一門以湘沅資澧爲經而湖南全境如指諸掌矣次曰關隘楚南襟湘帶湖控制苗岡關隘在所必爭故特詳之次曰古蹟曰陵墓茶鄉之墟蒼梧之野古帝弓劍之所藏也

國家有大典禮遣官祭告他如名賢祠墓有司防護欲使不傷樵採云爾故謹記之又次曰風俗仿荆楚歲時記岳陽風土記之例略綴於篇附著苗俗使守土者覽焉凡此皆麗於地者總爲地理志凡四卷

次二曰建置志其子目四曰城池設險以庇民也曰公署蒞政之所在也次曰津梁徒杠輿梁惠民之政也次曰隄

湖南通志

敘目

三

川

堰重水利也水爲利藪害亦伏焉若與水爭地則退於此者將壑於彼凡此皆建置之大端凡七卷

次三曰賦役志其子目三曰戶口曰田賦曰蠲卹漢唐以降更有卒踐過之殊役有顧助義之別今日煩而民曰擾國朝順治十四年

欽頒賦役全書略準唐之兩稅除明季無藝之征康熙五十二年詔滋生人丁永不加賦雍正初年部覆各省丁錢按田攤收於是民不罷勞吏無擾累官府興作顧工給直乾隆三十七年並停編審民尤便矣當我

朝全盛時

恩詔普免天下錢漕十次偶遇偏災卽行蠲豁近世軍興度支匱絀而田稅不加毫末故田賦一仍舊志蠲卹逐年記之志殊恩也總爲賦役志凡七卷

次四曰食貨志其子目六一曰積貯備荒之要也二曰推稅卽闢市之征也近歲軍餉浩繁司計者效漢唐告緡率貸遺意以佐軍需號曰釐金仿劉晏用士人之法遴官紳以司徵歛湖南居江淮上游賴此餉軍克平大亂亦時事得失之林也三曰鹽法湖南地不產鹽仰給淮引粵匪踞江甯時借行川粵鹽以濟民食寇平後酌改票法規復淮綱而軍餉取給焉四曰錢法五曰礦廠六曰物產皆依舊

湖南通志

敘目

四

又

志記述於衣食資生之具加詳焉總爲食貨凡七卷

次五曰學校志其子目三首曰學宮化民成俗莫先於儒術次曰學額近因寇擾各屬輸餉佐軍立功殺賊

特詔加學額中額有差亦異數也次曰書院唐元和中李寬建石

鼓書院宋初賜額此書院得名之始五季時蔣維東隱居衡嶽受業者號爲山長宋胡安定公朱文公張宣公講學於嶽麓城南弟子著錄以千計則書院之極盛也試院考棚士人進身之地亦附著焉作學校志凡九卷

次六曰典禮志其子目三首曰禮儀約舉慶賀開讀宣講迎春耕藉釋菜鄉飲賓興諸禮爲官民所通行者悉著於

朝鄧治馨香夙夜愍祀凡前代未備之典集大成焉湖南則衡嶽洞庭湘江之神均崇秩祀合而稽之有通祀有專祀有方祀而鄉社之間春秋祈報有其舉之亦莫敢廢故以祠廟次之作典禮志凡七卷

次七曰武備志有文事者必有武備故兵制不可不詳焉漢武帝時詔伏波將軍路博德出桂陽戈船將軍嚴尤出零陵各以樓船下瀨討呂嘉是爲水師征戰之始近年粵逆稱亂楚南首搯其吭在事者創練長江水師卒以平亂各屬團練鄉勇旣以自衛復相率荷戈出境援勦助成大

湖南通志

敘目

五

天
一
九
一
八

助皆忠義敵愾之忱所激發也我

朝征討皆用八旗勁旅及各省綠兵嘉慶中川楚剿匪始參以鄉勇迨粵匪起而楚勇湘勇攻戰遍天下蓋兵制之一變也至於驛遞之館人排夫鋪司之承充徭編皆兵屬也並類及之若夫苗防實楚南之巨政考苗之族類近粵者曰獞近滇者曰猺永寶邊境曰獠與黔接壤曰仡佬矜獠種姓既殊土俗各異撫之得宜則爲齊民防之無策或爲寇害故詳言之而以廢土司附焉歷代用兵在湖南境者特紀兵事本末以資考鏡總爲武備志凡十二卷次八曰封建志漢初吳芮封長沙王賈誼稱爲功小而最

完勢疏而最忠自漢迄明分藩南楚者多矣大抵食其租稅而不涖民事亦有未建國邑僅錫空名者惟五季馬氏六主割據五十六年其勢差異耳今錄始封及嗣爵名謚爲表以著之一覽瞭然作封建表凡二卷

次九曰名宦志郡縣之世監司牧令有功德於民者沒而民有餘思焉考靈壽志名宦卽於職官中臚列事蹟而已然甘棠陰雨爲民勸賢前事之不忘後事之師也故特志名宦于職官之前凡十八卷

次十日職官志文職自督撫以降武職自提鎮以降依品位具列焉唐人廳壁記凡職官姓名占籍任年雖丞尉必

湖南通志
卷一百一十五

敍目

六

27

謹書之以備掌故耳凡二十三卷

次十一曰選舉志撮記科目制度而列其名次焉首曰制科次曰進士曰舉人曰五貢悉依舊志而續增之楚闕未分以前重湖阻隔士人與解者尙少自雍正二年奉

開解額較多。苗疆四廳別縣中額近年學額增廣多士觀光者幾倍於舊。可謂盛矣。科目之後次之以世爵世職薦舉軍功各門者。以近歲軍興。湘人勦匪立功。內躋卿貳。外膺方面者。頗不乏人。就其可考者。以文職歸之薦舉門。以武職歸之軍功門。雖不盡出科目之途。實有當於
朝立賢無方之意。故策入選舉志中。凡二十七卷。

聖朝立賢無方之意故策入選舉志中凡二十七卷

湖南通志

敘目

七

列女者江漢化行於地爲楚二南諸詩多賢女所作
聖朝明章婦順凡貞淑不貳操者雖筆門窮卷莫不搜闡幽光
式爲坊表焉總爲人物志凡七十八卷

次十三曰方外志仙釋寺觀多踞山林溪壑之勝其遠者
或數千百年亦足徵地靈也二氏之流游方之外政教所
不及故不繫之人物志然其精修戒行亦於勸善導俗有
助焉先哲考文獻者所不廢也別爲方外志凡五卷

次十四曰祥異志舊志有此門目各屬州縣志稱引亦不
少考靈壽志亦列災祥蓋以感應之理不可誣也故具書
之凡二卷

次十五曰藝文志歷代以來湖湘人士所述作者分經史
子集四類具載於編並條其篇目撮其旨要以爲考證之
資禹碑出於南嶽岫嶠峰文字奇古是爲古來金石之鼻
祖舊志所輯金石二十卷茲略補所遺並將稱引過繁者
稍加裁節以見志乘當舉其重者不僅作金薤琳琅觀也
總爲藝文凡四十五卷

湖南通志

敘目

八

述異者卽干寶搜神任昉述異之例也曰摭談者卽賈氏
談錄孫公談圃之例也曰辨訛者卽顏氏匡謬通鑑辨誤
之例也皆之餘分閭位宜殿全編故以雜志十九卷終焉
湖南通志目錄

卷首之一

詔諭一 順治元年至雍正七年

卷首之二

詔諭二 雍正八年至乾隆六十年

卷首之三

詔諭三 嘉慶元年至道光三十年

卷首之四

詔諭四 道光三十年至咸豐三年

卷首之五

詔諭五 咸豐四年

卷首之六

詔諭六 咸豐五年至七年

卷首之七

詔諭七 咸豐八年至同治二年

卷首之八

詔諭八 同治三年至光緒九年

湖南通志 敘目

卷一 地理志一 輿圖

卷二 地理志二 郡縣沿革表

卷三 地理志三 郡縣沿革考一

卷四 地理志四 郡縣沿革考二

卷五 地理志五 郡縣沿革考三

卷六 地理志六 分野

卷七 地理志七 經度

卷八 地理志八 疆域 形勢

卷九 地理志九 水道 一 湘水

卷十 地理志十 水道 二 沅水

九

一〇九

卷十一 地理志十一 水道三 資水

卷十二 地理志十二 水道四 澧水

卷十三 地理志十三 山川一 長沙府一

卷十四 地理志十四 山川二 長沙府二

卷十五 地理志十五 山川三 長沙府三

卷十六 地理志十六 山川四 衡州府一

卷十七 地理志十七 山川五 衡州府二

卷十八 地理志十八 山川六 永州府一

卷十九 地理志十九 山川七 永州府二

卷二十 地理志二十 山川八 寶慶府

湖南通志 敘目

卷二十一 地理志二十一 山川九 岳州府一

卷二十二 地理志二十二 山川十 岳州府二

卷二十三 地理志二十三 山川十一 常德府

卷二十四 地理志二十四 山川十二 辰州府 永順府

卷二十五 地理志二十五 山川十三 澧州府 四廳

卷二十六 地理志二十六 山川十四 郴州

卷二十七 地理志二十七 山川十五 靖州

卷二十八 地理志二十八 山川十六 桂陽州

卷二十九 地理志二十九 關隘一

卷三十 地理志三十 關隘二

湖南通志 敘目

卷三十一	地理志三十一	關隘三
卷三十二	地理志三十二	古蹟一
卷三十三	地理志三十三	古蹟二
卷三十四	地理志三十四	古蹟三
卷三十五	地理志三十五	古蹟四
卷三十六	地理志三十六	陵墓一
卷三十七	地理志三十七	陵墓二
卷三十八	地理志三十八	陵墓三
卷三十九	地理志三十九	陵墓四
卷四十	地理志四十	風俗 苗俗
卷四十一	建置志一	城池一
卷四十二	建置志二	城池二
卷四十三	建置志三	公署 公所
卷四十四	建置志四	津梁一
卷四十五	建置志五	津梁二
卷四十六	建置志六	隄堰一
卷四十七	建置志七	隄堰二
卷四十八	賦役志一	戶口一
卷四十九	賦役志二	戶口二
卷五十	賦役志三	田賦一

土 川 子 八 州

湖南通志 敘目

卷五十一	賦役志四	田賦二
卷五十二	賦役志五	田賦三
卷五十三	賦役志六	田賦四 漕章
卷五十四	賦役志七	蠲卹
卷五十五	食貨志一	積儲
卷五十六	食貨志二	鹽法
卷五十七	食貨志三	錢法
卷五十八	食貨志四	礦廠
卷五十九	食貨志五	推稅
卷六十	食貨志六	物產一
卷六十一	食貨志七	物產二
卷六十二	學校志一	學宮一
卷六十三	學校志二	學宮二
卷六十四	學校志三	學宮三
卷六十五	學校志四	學宮四
卷六十六	學校志五	學宮五
卷六十七	學校志六	學額
卷六十八	學校志七	書院一
卷六十九	學校志八	書院二
卷七十	學校志九	書院三 貢院考棚

土 川 子 八 州